

2615-3

元曲選

冊六

卷之二

元  
自  
編

七

宋齊丘明識親詞藻



元曲選圖  
風光好

中華書局聚

上

韓熙載暗遣閨花草



珍做宋版印

秦弱蘭羞寄斷腸詩



下

陶學士醉寫風光好

做李昭道筆



珍做宋版印

陶學士醉寫風光好雜劇

元 戴善夫撰

明吳興臧晉叔校

第一折

〔冲末扮宋齊丘引祗從上〕〔詩云〕獨持忠赤佐君王，保障金陵地一方。江南自古稱佳麗，何必區區說大唐。小官姓宋名齊丘，金陵人氏，見在南唐主人駕下爲丞相之職。俺這後主天生聰睿，詩詞歌賦品竹調絲，風流蘊藉，實乃右文之主。見今中原唐世宗升遐，趙點檢卽位，國號大宋，改元乾德。親驅戎馬，所向無前，如南閩北虜，河西蜀望，風皆降，惟我江左不曾加兵。我國亦嘗用心防備，近日前路文書行來，宋家遣翰林院學士陶穀來我國中索要圖籍文書。我想陶穀是個掉弄喉舌之人，況四海未寧，要圖籍何用此人？必來以游說爲功。我將他機關探破，奏知吾主，則說吾主有疾，不能接見。將陶穀留在館驛中羈絆住着，每日供給小官三五日相訪一遭。自七月初間至此，今八月將盡，秋露乍零，旅館蕭索。我着金陵太守韓熙載看他一言一動，略有纒毫破綻，便報與我知道。自有制他的法度。〔詩云〕非是我好用陰謀，則隄防讒舌如鉤。待窺破一些動靜，管教他有國難投。〔下〕〔外扮韓熙載引樂探上〕〔詩云〕遠離鄉土渡橫江，入仕南唐佐李王。從來兒女多情處，不是風雲氣不長。小官姓韓名熙載，官拜昇州太守，佐於南唐李主駕下。今奉宋齊丘丞相鈞旨，每日供給大宋學士陶穀。今日安排筵席，管待將歌者秦弱蘭，乃金陵名妓，席間令其唱曲。看陶學士所守之志，何如樂探，你與我喚將上廳行首秦弱蘭來者。〔樂探云〕理會的。〔做喚科〕秦弱蘭安在？太守老爺呼喚哩。〔正旦扮秦弱蘭上云〕妾身秦弱蘭是也。門首有人相喚，我試看咱。〔做見科云〕哥哥

喚我怎的〔樂探云〕太守老爺喚官身哩〔正旦云〕我想俺這門戶人家則管裏迎賓接客幾時是了也呵〔唱〕

〔仙呂點絳脣〕憑着我霧髻雲鬟黛眉星眼尋衣飯則向這酒社詩壇多少家喬公案

〔混江龍〕悲歡聚散二三年經到有百千番恰東樓飲宴早西出陽關兀的般弄月嘲風留客所便是俺追歡買笑望夫山這些時迎新送舊執盞擎盤怎倒顛欽欽惹的我心兒憚怕只怕是那羅紕錦舊鶯老花殘

〔樂探云〕大姐似你這等上官見喜非同容易也〔正旦云〕哥哥我自幼到今無個歡喜的前程造次的可也不敢上門來〔唱〕

〔油葫蘆〕也曾把有魂靈的郎君常放翻但來的和土剷可正是烟波名利大家難〔云〕上俺門來有個比喻〔唱〕恰似犬逢餓虎截頭澗更甚似軍騎羸馬連雲棧饒你便會使慳徹骨姦則俺這女娘每寄信的鴛鴦簡便是招子弟的引魂旛

〔天下樂〕常教他一縷兒頑涎濕不乾丁單將科派攤剛剛的對付難上難脖子項上搭上套頭皮面上帶上揜眼怎發付這一千斤鐵磨桿

〔樂探做到科〕〔報科〕稟老爺叫將秦弱蘭來了〔韓熙載云〕着他過來〔正旦見科〕〔韓熙載云〕



秦弱蘭教你來伏事陶學士你可乖覺着〔正旦云〕老爺放心此事容易〔韓熙載云〕你且躲在一壁我教你來便來〔正旦云〕理會的〔韓熙載云〕左右的把果桌安排停當我請陶學士去來〔下〕

〔正末扮陶穀引驛吏上〕〔詩云〕少年文史足三冬下筆成章氣似虹時人不識君王寵禪草何因出袖中小官姓陶名穀字秀實襄陽人也乃晉處士陶潛之後以進士及第於周太祖時會事錢王俶頗蒙信任後因遣入大宋以觀動靜又作宋臣官授翰林學士已經三載不得與俶相會如今太祖早朝議下江南之策小官言曰雖堯舜禹湯興兵未免有所損益莫若小臣掉三寸之舌說李主歸降豈不易哉太祖依臣所奏先將文書行至昇州隨令小官直至南唐索取圖籍文書爲由若見李主必中說詞自七月初至此今八月將盡李主抱疾不朝無由可見惟宋齊丘丞相常來驛亭討論文字此外昇州太守韓熙載專管供給甚是盡禮但我羈留在此漸入秋深風光月色琴韻砧聲不覺感懷且向亭中閒步一迴〔做看科云〕這一片素光粉壁未嘗繪畫驛吏取筆硯來我待學春秋隱語因而感懷成十二字書於此處料無有解者〔做寫科〕〔念云〕川中狗百姓眼虎撲兒公廚飯〔韓熙載上云〕左右報復去說韓太守在此〔陶穀云〕道有請〔見科〕〔陶穀云〕太守爲何至此〔韓熙載云〕小官領宋丞相鈞旨聊具蔬酌奉獻左右擡過果桌來〔做設席科〕〔韓熙載云〕將酒來學士滿飲此杯〔陶穀飲科云〕太守飲一杯〔韓熙載云〕小官更衣咱〔出科云〕張千喚秦弱蘭來〔張千喚科〕〔正旦上云〕妾身來了〔韓熙載云〕弱蘭今日就筵宴之中要你加精神者陶學士生性威嚴人莫敢犯你小心過去〔正旦云〕老爺放心者〔唱〕

〔後庭花〕那學士若見了南唐秦弱蘭更不說西京白牡丹則消得我席上歌金縷管取他尊前倒玉山

〔韓熙載云〕勸的他盡醉要他十分歡喜〔正

目唱]要歡喜不爲難則着這星眸略瞬盼教他和骨頭都軟癱

〔韓熙載云〕學士筵前無樂不成歡樂張千叫個歌者來唱一曲伏侍學士〔正旦同衆妓上〕叩見

科〔陶穀云〕大丈夫飲酒焉用婦人爲吾不與婦人同食教他靠後休要惱怒小官〔韓熙載云〕

秦弱蘭與學士把一杯〔正旦云〕這學士好冷臉子也〔韓熙載云〕着動樂者〔陶穀云〕住了樂聲

小官一生不喜音樂但聽音樂頭暈腦悶〔正旦唱〕

〔金盞兒〕我這裏覷容顏待追攀嗨暢好是冷丁丁沉默無情漢  
則見那冬凌霜雪都堆在兩眉間恰便似額顱上挂着紫塞鼻凹裏  
倘着藍關可知道秀才雙臉冷宰相五更寒

〔韓熙載云〕這婦人彈的好吹的好教他吹彈歌舞奉學士酒者〔陶穀云〕老子云五音令人耳聾

五色令人目盲聽了他呵正勾當都做不的了〔韓熙載云〕弱蘭唱者〔正旦唱科〕〔陶穀喝云〕我

一生不聽音樂但聽了音樂昏睡三日靠後〔正旦唱〕

〔醉中天〕他教莫把瑤箏按只許鳳簫閒他道是何用霓裳翠袖彎  
更休撒紅牙板不教放筵前過盞幾時得酒闌人散直恁般見不得  
歌舞吹彈

〔韓熙載云〕俗語云座上若有一點紅斗筲之器感千鍾座上若無油木梳烹龍炮鳳總成虛弱蘭

與學士遞一杯〔正旦把盞科〕〔陶穀怒云〕潑賤人靠後小官一生不吃婦人手內飲食〔韓熙載

云〕學士飲一杯怕做甚麼豈不聞將酒勸人終無惡意何怒之有學士也與他接談略擡眼看他

一看波直恁般的弱蘭遞酒〔正旦遞酒科〕〔陶穀云〕靠後小官乃孔門弟子放鄭聲遠佞人鄭聲

淫佞人殆小官平生目不視邪色耳不聽淫聲太守何故三回五次侮弄下官是何道理〔正旦唱〕

〔金盞兒〕他不把話頭攀說的我毛骨寒戰兢兢把不住臺和盞我這裏承歡奉喜兩三番太守見我退後來早台意怒學士見我向前去早惡心煩好教我左右沒是處來往做人難

〔韓熙載云〕此女子不肯用心伏侍學士〔正旦云〕教妾身怎生是好天使只願你寬恕咱〔陶穀

云〕此婦人無知靠後〔正旦唱〕

〔後庭花〕學士你隻身在旅邸間着個甚羅幃錦帳單學士你德行如顏子也索要風流做謝安我勸你且開顏須不比尋常風範你敢越聰明越掛眼

〔陶穀云〕兀那婦人靠後我頭頂儒冠身穿儒服乃正人君子不得無禮〔正旦退科〕〔韓熙載云〕

歌者可再勸酒〔陶穀云〕太守小官酒醉失禮李太白有詩云我醉欲眠君且去明朝有意抱琴來我待睡些兒咱〔做醉睡科〕〔韓熙載云〕學士醉了也恁歌者且回去〔正旦云〕理會的〔唱〕

〔賺煞〕幾時捱得酒筵闌官員散恨不得目下天昏日晚說的那舞女歌兒似受戰汗難施逞樂藝熟閑〔韓熙載云〕弱蘭則要你小心在意者〔正旦唱〕這其間春意相關放着滿眼芳菲縱心兒揀爭奈這尋芳人意懶嬉游的心慢哎不是個惜花人休想肯凭欄〔衆隨下〕

〔韓熙載云〕學士睡了也驛吏看着醒來時伏侍的臥房中去做看壁上字科問驛吏云這一堵

素光白壁誰寫字在上頭流了這壁子〔驛吏云〕是陶學士寫下的〔韓熙載云〕既是陶學士寫的

將紙筆來我抄了去〔抄科〕將馬來我回丞相話去也〔下〕〔陶醒科〕太守去了〔驛吏〕去了〔陶穀〕既然太守去了收拾鋪蓋我回後堂中歇息去〔同下〕

〔音釋〕

閩音民 說音稅 顛音戰 紕音批 劇音產 嶽與險同 棧音綻 慳溪閉切  
腭音勃 桿音趕 倣音叔 解音械 瞬音舜 暈音運 塞音寰 凹汪卦切 威  
平聲 熟裳由切 流音臥

第二折

〔宋齊丘引〕張千上〔云〕事不關心關心者亂今日着韓太守驛亭中管待陶學士去如何不見來回話〔韓熙載上〕〔云〕小官韓熙載奉宋丞相鈞旨着我管待陶學士看他動靜不想他寫下十二個字在牆壁上被我抄將來學士怎生瞞的過我此乃獨眠孤館四字此人客況動矣陶穀也你也說不的李主我直教你還不得家鄉我將此十二字見丞相去左右報復去道韓熙載來見〔報科〕〔宋齊丘〕着他過來〔見科〕〔宋齊丘〕昨日席間動靜如何〔韓熙載〕〔云〕昨日陶學士座中古儻將秦弱蘭正眼不看被此女子將學士灌醉了學士睡了小官出門見壁上十二字乃是寫下的小官抄將來與丞相看〔宋齊丘〕〔云〕熙載你比外郡太守不同況且斯文此非公衙私宅之內將座兒來太守請坐〔韓熙載〕〔云〕小官不敢〔宋齊丘〕〔云〕何妨〔韓熙載〕宋看字科〔云〕太守你解此意麼〔春秋戰國之時多有作者號曰隱語說他正大則看這十二個字上便見他平日所守川中狗者蜀犬也蜀字着個犬字是個獨字百姓眼者民目也民字着個目字是個眠字虎撲兒者爪字也爪字着個子字是個孤字公廚飯者官食也官字着個食字是個館字團句道獨眠孤館此人客況動矣陶穀你如何瞞的過我你來說李主下江南我直教他還不得鄉土太守你近前來〔做耳語科〕

〔云〕待十數日後依吾計行此人必中吾計矣陶學士陶學士〔詩云〕由你千般計較枉自惹人談  
笑休誇伶俐精詳必定中吾圈套〔同下〕〔正旦改扮素衣引梅香上云〕妾身秦弱蘭爲陶學士古  
撇太守着我今夜狐媚了他呵便得賞賜狐媚不的呵便加罪責今日天晚則除是這般梅香那香  
桌完備了麼〔梅香云〕若論姐姐這等乖覺料他到的那裏〔正旦唱〕

〔南呂一枝花〕我也曾將宣使迎不似這天臣強果然道易求無價  
寶難得有情郎他多管是鐵石心腸直恁的難親傍一鼻凹衝是雪  
霜無情的付粉何郎冷臉的畫眉張敞

〔梁州第七〕他則是慣受用玉堂金馬不思量月戶雲窗則他那古  
撇心甚的喚做鳴珂巷空那般衣冠濟濟狀貌堂堂却爲甚偏嫌俺  
妓女怕見婆娘莫不他淨了身不辨陰陽人道這秀才每都不荒唐  
偏恁那洞庭湖柳毅傳書謝家莊崔護覓漿賈充宅韓壽偷香想我  
那往常伎倆播弄的子弟如翻掌這個鐵臥單我怎窩藏我自尋思  
出這個風流俏智量須要今夜成雙

〔二〕梅香將香桌來我燒夜香〔梅撥桌科〕〔陶穀便衣上云〕小官自從到此兩月有餘不得見唐  
主淹留驛亭之中今夜風清月朗閉庭寂靜客况蕭然蛩聲聒耳桂子飄香推開這角門去這花園  
內乘月色觀桂花釋悶咱〔正旦望見陶科云〕梅香兀那月下閑行的正是那來〔梅香云〕姐姐可  
知是哩〔正旦唱〕

〔賀新郎〕他去那無人處獨步也氣昂昂這公則會闊論高談那裏

知淺斟低唱我這裏潛身軀迸定險凝睛望端的是風清月朗可甚

麼軟玉温香〔陶穀望北斗頂禮做笑科云月色團圓也〕〔正旦唱〕他這般更深離館

舍夜靜步回廊〔陶穀吟詩云月中桂子宜攀折苑內片花不耐看〕〔正旦唱〕我猜他莫

不勞魂役夢胡思想〔陶穀云魏武帝有詩曰月明星稀烏鵲南飛繞樹三匝無枝可依看〕

來正是小官〔正旦唱〕原來他望天瞻北斗却不肯和月待西廂

〔云〕梅香我燒罷香回去對此月色口占一詩〔念科云〕隔窗疎雨送秋聲夜夜愁人睡不成遇此

良宵多感慨清風明月又關情〔陶穀云〕原來有人在柳陰深處吟詩我過去看咱〔正旦云〕梅香

嚮回去來〔陶穀云〕小娘子勿罪〔正旦拜科〕〔陶穀云〕一個好女子也小娘子高姓誰氏之家因

甚在此官舍之中〔正旦唱〕

〔牧羊關〕俺夫主為驛吏身姓張〔陶穀云〕元來是驛吏的妻子你是那裏人氏〔正

旦唱〕生長在兩浙蘇杭〔陶穀云〕如今你丈夫那裏去了〔正旦唱〕怎想他半路

裏情絕他從那二年前身喪〔陶穀云〕小娘子怎生在此住坐〔正旦唱〕妾身見

如今獨自個持着服孝〔陶穀云〕你多大年紀持服來〔正旦唱〕我從二十六上

守孤孀〔陶穀云〕敢問小娘為何這早晚對月吟詩〔正旦云〕我自釋悶而已那裏是詩〔唱〕我

也則詩句內題秋景月明中燒夜香

〔陶穀云〕小官乃是大宋使臣陶學士若小娘子不棄願同衾枕不知小娘子意下如何〔正旦云〕

妾身守服之婦不堪陪奉尊官〔陶穀云〕小娘子何發此言若心肯時小官有幸也〔正旦唱〕

〔隔尾〕我則道他喜居苦志顏回巷却元來愛近多情宋玉牆這搭

兒廝敘的言詞那停當想昨日在坐上那些兒勢況苦眼鋪眉盡都是謊

〔陶穀云〕小娘子但與小官成其夫婦終身不敢忘也〔正旦云〕學士不棄妾身殘妝陋質願奉箕箒之歡〔陶穀云〕小娘子可到官舍中去〔做同行科〕〔陶穀云〕小娘子請坐異日必娶你爲正室夫人〔正旦云〕妾身有一句話向學士道破者〔唱〕

〔牧羊關〕你見我心先順隨了你可不氣長有句話須索商量你休將容易恩情等閒撇漾〔陶穀云〕他日你做夫人縣君哩〔正旦唱〕我等駟馬車爲把定物五花誥是撞門羊你明日北去人千里早變做南柯夢一場

〔陶穀云〕小娘子趁此夜闌人靜成其夫婦多少是好〔正旦云〕則怕你日後不取我呵被人笑恥有何表記的物件與我可爲憑信〔陶穀云〕小娘子將何以爲信〔做相戲科〕〔正旦唱〕

〔紅芍藥〕他早把繡幃兒簌簌的塞了紗窗款款的背轉銀缸早把我腰款抱搵殘妝羞答答懶棄羅裳袖稍兒遮了面上可曾經這般情況懷兒中把學士再端詳全無那古愜心腸

〔菩薩梁州〕一刻地疎狂千般的波浪諸餘的事行難道是不理會惜玉憐香一團兒軟款那安詳半星兒不顯威儀相引逗的人春心蕩昨日在尊席上那模樣便這般和氣春風滿畫堂全不見臉似冰霜

〔出汗巾科〕學士告乞珠玉〔陶穀云〕有有〔做寫科云〕寫就了也〔且接念云〕好姻緣惡姻緣奈何天只得郵亭一夜眠別神仙琵琶撥盡相思調知音少待得鸞膠續斷絃是何年右調風光好是好高才也請學士落款〔陶穀寫科云〕翰林陶學士作〔正旦云〕謝了學士者〔唱〕

〔三煞〕我看了高才詞翰華牋上却爲甚不肯爛醉佳人錦瑟傍可知我把小末的郎君放他兀的錦繡文章更做着皇家卿相被我着個小局段兒早打入天羅網看這公古慳性從來無些雅況我試與滿捧瑤觴

〔云〕學士你飲一杯酒者〔陶穀云〕我吃我吃〔正旦唱〕

〔二煞〕你這般當歌對酒銷金帳煞強如掃雪烹茶破草堂你許下我的休教無承望此別後水遠山長把美繾綣則怕貴人多忘則要你經板兒印在心上當日也是我在尊前不容近傍假粧好人家便引動情腸

〔煞尾〕我想這歌臺舞袖風流相怎如大院深宅窈窕娘也得今朝這一場想官司也不枉共學士有情況再開筵敢說強風光好是招狀我明日太守行決將咱廝覷當我把那段正綾羅不希望我本不樂作娼則向那烟花薄上勾抹了我的名兒勝如賞〔下〕

〔陶穀云〕小官回京決取此女爲妻方是我平生願足〔詩云〕客中最怕是秋天蟲聲砧韻總淒然今宵幸遇良人婦美滿恩情結好緣〔下〕



〔音釋〕

撇音撇 強音絳 衡音肫 倆音兩 蛩音窮 俠離靴切 苦聲占切 搵搵去聲  
行霞浪切 縑音暹 縑音眷 窈音杳 窈音調

### 第三折

〔宋齊丘引張千上云〕小官宋齊丘與韓熙載定計處置那陶穀學士如何不見回話這早晚敢待  
來也〔韓熙載上〕〔詩云〕安排打鳳牢籠計引起鴛鴦兩心小官韓熙載不想陶學士被某識破  
十二字隱語用此機關果中其計我今來回丞相的話左右報復去道韓熙載來見〔報科〕〔宋齊  
丘云〕有請〔見科〕〔宋齊丘云〕幹事如何〔韓熙載云〕此人果中其計秦弱蘭賺了他一篇樂章  
親筆落款他自將着今日來回丞相話哩〔宋齊丘云〕我料他怎出的嚙二人之手則今日便臥翻  
羊擺下果桌小官就對他說我唐主病可今日着俺將着茶飯來與學士釋悶明日早朝相見他聽  
的必然歡喜飲酒之間喚秦弱蘭來歌此樂章看他怎生說話太守一壁廂執料茶飯小官回了主  
人的話便到館驛中來也〔韓熙載云〕謹領鈞旨〔同下〕〔陶穀上云〕小官陶學士昨夜晚間不意  
驛吏之妻與我苟合我看此女有沉魚落鴈之容閉月羞花之貌我許他娶爲正室今日等韓太守  
來時我囑他放此婦人回去等我日後好來取他〔韓熙載上云〕來到這驛亭中學士恭喜〔陶穀  
云〕敢問何喜〔韓熙載云〕學士歸有日矣我主病體頗安明日早朝便請相見〔陶穀云〕這也則  
完的一場使事何足爲喜〔宋齊丘引張千上云〕來到這館驛門首左右報復去道某家來了也〔  
報見科〕〔宋齊丘云〕學士歸有日矣玉體頗安請學士明日相見〔韓見宋科〕〔宋齊丘云〕學士  
韓太守是當今文學之士見任太守卽古之京兆尹陪坐何如〔陶穀云〕這也不妨〔宋齊丘云〕將  
酒來我奉學士一杯太守一面準備歌兒舞女教他侑酒與學士作歡如何〔韓熙載云〕丞相說的

元

曲

選

雜劇

風光好

六

中華書局聚